



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA**



**COMUNE DI SINNAI**

COMUNU DE SÌNNIA

**Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.**

Sinnia, Casteddu (Sardinnia) Unu progetu speddiosu de linguistica est stètiu de pagu incarrerau de is universidadis de Bolzano e de Monaco de Baviera, custu tenit comentu a focus su stùdiu de is sonus de su sardu campidanese. Po ghiai custa circa ant traballau in custas diis in Sinnia una truma de circadoris de s'universidadi de Bolzano, fatu de Alessandro Vietti, Fabio Ardolino e Ilaria Chizzoni. De custa truma de circa fait parti Daniela Mereu puru (Universidadi de Torino), linguista chi at ghiai traballau a sa circa e a sa documentatzioni de su campidanese, e issa at tentu un'arruolu de importu in su Progetu.

Sa comunidadi sinniesas at torrau sceda cun grandu prexu a custa bidea, amostendi unu interessi mannu pighendi parti a is intervistas linguisticas apariciadas de su team de circa.

“Seus prexus meda de biri su scallentamentu e s'aggiudu de sa comunidadi sinniesas. Issus chi funt pighendi parti ativa funt de fundamentu po s'arrenescida de custu progetu”, at nau su diretori de su progetu Alessandro Vietti, professori assotziau de s'Universidadi de Bolzano e diretori de su laboratòriu de fonetica de ateneu (ALPS).

Su progetu tenit duas punnas prus mannas: de una parti, su fàbricu de una mitza pretziosa de documentatzioni chi at a permiti de fai stùdius prus a fundu a pitzus de custa lingua; a s'atra parti, s'at a podi fai un stùdiu e una anàlisi strumentali de is datus arregortus in s'interis de sa circa. Custus datus ant a essi sa basi essentziales po s'amannadura de is tecnologias de su linguatzu avantzau.

Is arresultaus de custa circa ant a podi agiudai po sa cunservatzioni e s'avaloramentu de is linguas de minoria, comentu sa chistionada campidanese, promovendi sa conoscèntzia insoru e alloghendi sa diversidadi linguistica.

De importu mannu po s'arrenescida de sa circa funt stètius Paolo Zedda, studiosu de sa lingua sarda e poeta a bolu. Su sportellu linguisticu de sa lingua sarda a fatu de trait d'union a intru de is circadoris e sa comunidadi de su logu. Sa Bibrioteca Comunali de Sinnia at donau sa disponibilitadi de is aposentus suos po is registratzionis.

A sa circa ant pigau parti fintzas parici assotziaus de s'Universidadi de sa Tertza Edadi de Sinnia chi de annus pigant parti a sa vitalidadi de sa circa e de su stùdiu de is arrèxinis sardas e sinniesas. In mesu a totus is chi ant pigau parti spricat su Sìndigu de Sinnia Tarcisio Anedda.

Abetendi de connosci is arresultaus de sa circa, sa spera est chi custu progetu apat criau sinergias a intru de is istidutzionis diferentis chi serbint po s'amparu e su stùdiu de su campidanese.